



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education**

Broj: 11-34-22158/23

Sarajevo, 17.05.2023.godine

Na osnovu člana Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Sl.novine Kantona Sarajevo", broj: 22/21 i 13/22) i u skladu sa odredbama iz Smjernica o minimalnim standardima dodjele budžetskih sredstava putem transfera i subvencija u FBiH (Službene novine Federacije BiH br.15/18), Ministrica za odgoj i obrazovanje Kantona Sarajevo, d o n o s i

## **INTERNI PRAVILNIK**

o organizacijskim preduslovima i aktivnostima po Javnom pozivu za dodjelu transfera neprofitnim organizacijama za finansiranje/sufinansiranje programa/ projekata /aktivnosti iz Budžeta Kantona Sarajevo za 2023.godinu sa razdjela Ministarstva za odgoj i obrazovanje  
Kantona Sarajevo

### **Član 1.**

(Predmet Pravilnika)

Ovim pravilnikom preciznije se uređuju organizacioni preduslovi za provođenje Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Sl.novine Kantona Sarajevo", broj: 22/21 i 13/22, u daljem tekstu: Uredba) za 2023.godinu sa razdjela Ministarstva za odgoj i obrazovanje Kantona Sarajevo, Ekonomski kod 614300 (u daljem tekstu:Ministarstvo), kao i provođenje procedure po javnom pozivu za dodjelu transfera neprofitnim organizacijama za finansiranje/sufinansiranje programa/ projekata /aktivnosti iz Budžeta Kantona Sarajevo, te imenovanje i zadaci Komisije za provođenje javnog poziva dodjele transfera neprofitnim organizacijama za finansiranje/sufinansiranje aktivnosti/programa/projekata iz Budžeta Kantona Sarajevo (u daljnjem tekstu: Komisija).

## Član 2.

(Objava Javnog poziva)

(1) Javni poziv za dodjelu transfera neprofitnim organizacijama za finansiranje/sufinansiranje aktivnosti/programa/projekata iz Budžeta Kantona Sarajevo za 2023. godinu sa razdjela Ministarstva (u daljnjem tekstu: Javni poziv) objavljuje Ministarstvo na službenoj stranici i u dnevnim novinama.

(2) Ministarstvo će prije objave javnih poziva po ovom Pravilniku, objaviti Uputstvo za podnosiocima prijave na Javni poziv za podnošenje prijave za dodjelu sredstava neprofitnim organizacijama u svrhu finansiranja/sufinansiranja aktivnosti/programa/projekata u 2023. godini iz Budžeta Kantona Sarajevo za 2023. godinu sa razdjela Ministarstva za odgoj i obrazovanje Kantona Sarajevo

## Član 3.

(Imenovanje Komisije)

(1) Komisiju iz člana 1.ovog Pravilnika imenuje Ministar za odgoj i obrazovanje (u daljem tekstu: Ministar) donošenjem rješenja o imenovanju komisije.

(2) Komisija iz stava (1) ovog člana treba imati neparan broj članova i tehničkog sekretara Komisije koji nema pravo odlučivanja.

(3) Ministar aktom osigurava zamjenu člana Komisije na adekvatan način.

(4) Članovi Komisije trebaju biti lica koja posjeduju neophodna znanja i iskustva povezana sa programskim prioritetima Ministarstva..

(5) Zaposlenici nadležne službe Ministarstva uključeni u rad Komisije ni na koji način ne smiju uticati na rad članova Komisije.

(6) Predsjednika Komisije određuje Rješenjem o imenovanju Ministar, a Predsjednik Komisije rukovodi radom Komisije.

(7) Komisija utvrđuje način rada donošenjem Poslovnika o radu na prvoj sjednici, koji treba da sadrži odredbe sukoba interesa.

## Član 4.

( Sukob interesa)

(1) Odredbe sukoba interesa najmanje uključuju da član Komisije:



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

- nije lično i/ili članovi njegove porodice nisu zaposlenici, članovi upravnog tijela ili rukovodioci kod podnosioca prijave.
  - nije povezan na bilo koji način sa podnosiocem prijave ni kod drugih lica (partnerski odnos u provođenju projekata/programa).
  - nema materijalni ili ne materijalni interes u odnosu na javni interes.
- (2) Svaki član Komisije ima obavezu da po saznanju da se nalazi u sukobu interesa obavijesti ostale članove Komisije.
- (3) Davalac budžetskih sredstava odlučuje za svaki slučaj pojedinačno, dokumentuje i arhivira postojanje sukoba interesa
- (4) U slučaju utvrđenog sukoba interesa davalac budžetskih sredstava razrješava člana za kojeg je utvrđeno postojanje sukoba interesa i imenuje novog člana Komisije.
- (5) Svi članovi Komisije potpisuju izjavu o ne pristrasnosti i povjerljivosti koja sadrži sljedeće:
- da se lično i/ili članovi njegove porodice ne nalaze u sukobu interesa, da nema ličnih interesa kojima može uticati na ne pristrasnost rada Komisije čiji je član, da će u obavljanju dužnosti na koju se imenuje postupati časno, pošteno, savjesno, odgovorno i nepristrano, te da će čuvati povjerljivost podataka i informacija.
- (6) Izjava iz stava (5) ovog člana je sastavni dio ovog Pravilnika, te ista predstavlja Prilog broj 1. ovog Pravilnika.

## **Član 5.**

### (Zadaci Komisije)

- (1) Zadaci Komisije iz člana 1. ovog Pravilnika su:
- donošenje Poslovnika o radu Komisije
  - evidentiranje svih prijava zaprimljenih putem protokola
  - otvaranje koverata sa prijavama
  - provjera i evidentiranje ispunjenosti općih i posebnih kriterija propisanih Javnim pozivom
  - utvrđivanje formalno-pravne urednosti pristiglih prijava (blagovremenost, potpunost i urednost);
  - provjera potpunosti općih i posebnih kriterija
  - razrada kriterija za vrednovanje(ocjenjivanje) projektnih prijedloga
  - izrada i dostavljanje pojedinačnih izvještaja ocjena za svaku pregledanu prijavu na osnovu pojedinačnih izvještaja sačini i predloži zbirnu listu ocijenjenih prijava koje ispunjavaju

propisane uslove, kao i one koje ne ispunjavaju propisane uslove sa obrazloženjima, te istu dostavi rukovodiocu

- pripremanje pisane informacije o razlozima odbijanja prijave
- izrada prijedloga odluke o dodjeli transfera neprofitnim organizacijama za finansiranje /sufinansiranje aktivnosti/programa/projekata na osnovu zbirne liste ocijenjenih prijava
- provođenje terenske posjete i sačinjavanje izvještaja o istim
- sačinjavanje zapisnika i izvještaja o radu
- provodjenje i drugih potrebnih radnji u skladu sa zakonskim i pod zakonskim aktima koji se odnose na te radnje.
- izrada nacрта Ugovora o dodjeli odobrenih sredstava u skladu sa članom 19.Uredbe

(2) Za zadatke koji nisu definisani stavom (1) ovog člana, primjenjuju se odredbe člana 17. Uredbe.

## **Član 6.**

(Rad Komisije)

(1) Minimum za rad Komisije je prisustvo dvije trećine članova Komisije.

(2) Nakon završene procedure po Javnom pozivu, Komisija će sačiniti i predložiti zbirnu listu ocijenjenih prijava za odobravanje transfera sa razdjela Ministarstva i izraditi prijedlog odluke o dodjeli transfera.

(4) Izvještaj o radu, koji potpisuje predsjednik Komisije, dostavlja se rukovodiocu, a u prilogu kojeg su svi zapisnici i materijali proistekli iz rada Komisije.

(5) Materijali koji proisteknu iz rada Komisije čuvaju se u arhivi Ministarstva.

(6) Administrativne poslove za potrebe Komisije obavlja sekretar Komisije.

## **Član 7.**

(Donošenje odluke o odobravanju i dodjeli sredstava)

(1) Na osnovu čl. 4. i 22. Zakona o izvršavanju Budžeta Kantona Sarajevo za 2023.godinu i zbirne liste ocijenjenih prijava, a na prijedlog Komisije, Ministar donosi odluku o dodjeli sredstava, koja sadrži način doznačavanja sredstava, dužnost i obavezu korisnika sredstava, te mehanizme povrata dodjeljenih sredstava.

(2) Ministarstvo je u obavezi da sa korisnicima sredstava potpiše Ugovor o dodjeli transfera za finansiranje/sufinansiranje aktivnosti/programa/projekata u skladu sa članom 19. Uredbe.



## **Član 8.**

(Obavijest podnosiocima prijava)

- (1) Po donošenju odluke iz člana 7. ovog Pravilnika, Ministarstvo će objaviti rezultate javnog poziva na službenoj internet stranici Ministarstva.
- (2) Ministarstvo će u zakonski predviđenom roku, pismeno obavijestiti podnosiocima, čije prijave nisu prihvaćene za finansiranje/sufinansiranje, navodeći razloge odbijanja prijave.
- (3) Podnosioci imaju pravo na prigovor, koji se izjavljuje Ministru, u skladu sa članom 18. Uredbe.

## **Član 9.**

( Transparentnost, praćenje i evaluacija finansiranja i izvještavanja)

- (1) Davalac budžetskih sredstava objavit će podatke o dodjeljenim sredstvima iz Budžeta putem Registra transfera neprofitnim organizacijama i pojedincima iz Budžeta Kantona Sarajevo.
- (2) U cilju zakonitog, namjenskog i transparentnog trošenja budžetskih sredstava, davalac budžetskih sredstava unosi u Registar podatke o transferima, provodi praćenje namjenskog trošenja budžetskih sredstava i evaluaciju finansiranih programa i projekata, kao i izvještavanje od strane korisnika budžetskih sredstava, u skladu sa članom 24. Uredbe, što podrazumijeva programsko i finansijsko praćenje i evaluaciju svi obaveza prema odlukama o dodijeljenim transferima, te potpisanim ugovorima o dodjeli transfera za finansiranje/sufinansiranje /programa/projekata/aktivnosti.

## **Član 10.**

(Nadzor nad utroškom sredstava)

- (1) Davalac budžetskih sredstava zadržava pravo prikupljanja informacija i provjere korisnika u svim fazama dodjele budžetskih sredstava.
- (2) U slučaju utvrđenog nenamjenskog trošenja budžetskih sredstava, kao i ne dostavljanja izvještaja od strane korisnika, davalac budžetskih sredstava je, u skladu sa zakonskim i pod zakonskim aktima, dužan obavijestiti nadležno ministarstvo finansija i budžetsku inspekciju, te aktivirati mehanizme povrata sredstava.

## **Član 11.**

(Stupanje na snagu Pravilnika i primjena)

- (1) Ovaj Pravilnik stupa na snagu danom donošenja i objavit će se na web Ministarstva.
- (2) Za pitanja koja nisu definisana ovim Pravilnikom primjenjuju se odredbe Uredbe.

**MINISTRICA**

**Naida Hota-Muminović, s.r.**

## Prilog 1.

Rješenje ministrice za odgoj i obrazovanje Kantona Sarajevo o imenovanju Komisije za provođenje Komisije za provođenje Javnog poziva za podnošenje prijava udruženja i neprofitnih organizacija za dodjelu sredstava za finansiranje/sufinansiranje programa/projekata/aktivnosti iz oblasti .....

(upisati tačan naziv oblasti) iz Budžeta Kantona Sarajevo za 2023. godinu

.....  
(ime i prezime)

.....  
(adresa stanovanja i telefon)

Pod punom krivičnom, moralnom i materijalnom odgovornošću dajem slijedeću:

### IZJAVU O NEPRISTRASNOSTI, POVJERLJIVOSTI I NEPOSTOJANJU SUKOB A INETRESA

Ja, \_\_\_\_\_, imenovana za \_\_\_\_\_ u skladu sa članom 11.  
/ime, očevo ime i prezime/ /pozicija u Komisiji/

Uredbe o dodjeli transfera neprofitnim organizacijama i pojedincima iz budžeta Kantona Sarajevo („Službene novine Kantona Sarajevo”, broj: 22/21 i 13/22), a u svrhu provođenja Javnog poziva za podnošenje prijava udruženja i neprofitnih organizacija za dodjelu sredstava za finansiranje/sufinansiranje programa/projekata/aktivnosti iz oblasti .....

(upisati tačan naziv oblasti) iz Budžeta Kantona Sarajevo za 2023. godinu, koji je objavljen u dnevnom listu „Dnevni avaz“ i na web stranici Ministarstva za odgoj i obrazovanje Kantona Sarajevo, izjavljujem kako slijedi:

1. Da nisam lično i/ili članovi moje porodice (bračni ili vanbračni drug, dijete ili roditelj) nisu zaposlenici, članovi upravnog tijela ili rukovodioci kod podnosioca prijave.
2. Da nisam povezan/a na bilo koji način sa podnosiocem prijave ni kod drugih lica (partnerski odnos u provođenju programa i projekta i sl.).
3. Da nemam materijalni ili nematerijalni interes u odnosu na javni interes i to u slučajevima porodične povezanosti, ekonomskog, političkog ili drugog zajedničkog interesa.
4. Da sam upoznat/a sa obavezom da sam tokom cijelog postupka rada u Komisiji dužan/na prijaviti mogući sukob interesa i tražiti isključenje iz rada Komisije.

***Napomena: Predsjednik, član i sekretar komisije po saznanju da se nalazi u sukobu interesa je dužan obavijestiti predsjednika, ostale članove, sekretara komisije i ministricu za odgoj i obrazovanje Kantona Sarajevo i tražiti isključenje iz rada komisije.***

Ovu izjavu dajem u svrhu kako sam naveo/la i u druge svrhe se ne može koristiti.

Sarajevo: \_\_\_\_\_  
/datum/

\_\_\_\_\_  
/potpis/

